

FPEP UMS jalin kolaborasi dengan Akita International University

NST 16.8.2016 4

KOTA KINABALU: Fakulti Perniagaan, Ekonomi dan Perakaunan (FPEP) UMS telah mengelolakan secara bersama dengan Akita International University (AIU) dan Universiti Teknologi Malaysia (UTM) Program Summer School 2016 melibatkan pelajar-pelajar dari AIU dan UTM.

Program ini berlangsung selama 10 hari bermula dari 8 hingga 18 Ogos ini. Summer School 2016 turut mendapat sokongan padu daripada Kementerian Pelancongan, Kebudayaan dan Alam Sekitar Sabah, agensi-agenis pelancongan di peringkat negeri, serta komuniti terlibat.

Dekan FPEP, Prof. Madya Dr Raman Noordin dalam ucapan mengalu-alukan kesudian pihak AIU dan UTM melaksanakan program itu secara kolaborasi penuh dengan FPEP UMS.

Menurut beliau, kolabo-

rasi-kolaborasi seumpama itu bukan sahaja dapat meningkatkan pengetahuan pelajar mengenai keindahan flora dan fauna Sabah, bahkan juga menjadi ruang untuk pelajar (khususnya pelajar antarabangsa dan dari Semenanjung Malaysia) mengalami sendiri budaya dan corak hidup masyarakat tempatan, khususnya di kawasan luar bandar negeri Sabah.

Katanya, program ini turut menjadi medan terbaik untuk membudayakan budaya penyelidikan secara hands-on experience dalam kalangan pelajar.

Summer School 2016 melibatkan pelajar-pelajar Program Pelancongan dari tiga buah universiti tersebut yang berkonsepkan Pembelajaran berdasarkan projek. Program ini pada asalnya diselia oleh UTM dan buat julung kalinya diadakan bersama AIU dan



DEKAN FPEP Prof Madya Dr Raman Noordin (duduk tengah) diapit oleh Prof Dr Amran Hamzah (kanan) dan Prof Madya Dr Tetsuya (kiri) merakamkan kenangan.

UMS.

Program ini turut memberi peluang kepada pelajar FPEP, UMS untuk mendalami isu-isu terkini dalam bidang pelancongan seperti Ekonomi Hijau dalam pelancongan, dan

Kawasan Perlindungan dan Pentadbiran Baik (Good Governance of Protected Area).

Program diisi dengan siri-siri ceramah dan juga sesi perkongsian bersama pemain industri seperti Lembaga

Penggalakan Pelancongan Sabah, Taman-taman Sabah dan Pengusaha homestay Walai Tokou di Kundasang.

Di peringkat Fakulti (FPEP UMS), Program ini diletakkan dibawah Program

Pengurusan Pelancongan yang diketuai oleh Dr Tini Maizura Mokhtar.

Seiringan dengan program itu juga, satu majlis menandatangani surat niat telah dijalankan di antara AIU dan FPEP, UMS dengan hasrat untuk menggalakkan kerjasama dan hubungan yang kukuh dalam bidang kerjasama akademik dan penyelidikan, pertukaran pelajar, pertukaran budaya dan penganjuran persidangan antara Fakulti Perniagaan, Ekonomi dan Perakaunan, UMS dan AIU Jepun.

Turut hadir di majlis tersebut Prof Dr Amran Hamzah, Pengarah Pusat Perancangan Inovatif dan Pembangunan UTM, Prof Madya Tetsuya Toyoda, Timbalan Pengarah Pusat Asia Timur dan Penyelidikan, AIU, dan Dr Rini Suryati Sulong Timbalan Dekan Penyelidikan & Inovasi, FPEP